




ՀՅՈՒՄՈՐԱՅԻՆ ԱՄԵՐԻԿԱՅԻ ՀԱՅՈՑ ԹԵՄԻ ԵԿԵՂԵՑԱՍՆԵՐ ԵՐԻՏԱՍԱՐԴԱՑ ԿԱԶՄԱԿԵՐՊՈՒԹՅԱՆ ԱՆԴԱՄՆԵՐԻ ԱՅՅԸ ՄԱՅՐ ԱԹՈՒ ԵՎ ՀԱՅՐԵՆԻՔ

Ինձներորդ տարին է, որ ամռանը Ամերիկայից մայր հայրենիք են հյուրընկալում Եկեղեցասեր երիտասարդաց կազմակերպության անդամները՝ ուխտի գալով Մայր Աթոռ և Էջմիածին և միաժամանակ հետևելու Սփյուռքահայության հետ մշակութային կապի կոմիտեի կազմակերպած դասընթացներին:

18 հունիսի, կիրակի...

Ուրախության և խորը հուզումի արցունքներով էր լցված այդ օրը պանդուխտ հայ երիտասարդների հոգիները, որոնք եկել էին հեռավոր Ամերիկայից՝ հայրենիքի սերը իրենց մատողաշ սրտերում, և Էջմիածնի պաշտամունքը իրենց հոգիներում:

Այսօր նրանց երբեմնի երազանքներն իրականություն են դարձել, իրականություն, որը անփոխարինելի է նրանցից յուրաքանչյուրի համար:

Նրանք հյուրն էին Էջմիածնի, հյուրը՝ Մայր Աթոռի:


Օտար ափերում ծնված այդ հայորդիներն

այսօր առաջին անգամ իրենց սեփական ոտքերով քայլեցին հայրենի հողի վրա, զգացին նրա կենարար շունչը և ուժ ու եռանդ ստացան, հպարտությունը համակեց նրանց քոլորին:

Եվ այս առթիվ ինչպե՞ս կարելի է չհիշատակել՝ սրանից ավելի քան 1500 տարիներ առաջ գոյություն ունեցող «Արշակ և Ծապուհ»-ի գրուցապատումը, որն այսօր էլ հնչում է նույնքան արդիական և հարազատ, ըստ որի Արշակը Տիգրանում երբ քայլում էր հատակը հայկական հողով լցված գորգերի վրայով, ավելի էր ոգևորվում և մի առանձին կորով էր ստանում:

Եվ ահա այդպիսի ներշնչանք և կորով էին ստացել այսօր հարազատ զավակները հայրենի հողի վրա, քանի որ հարազատի պես հպարտորեն և կարոտով նրանց էր նայում ալեհեր Արարատն իր ձյունապատ գագաթներով:

Երիտասարդների այս տարվա խումբը քաղկացած էր 14 պատանիներից և աղջիկ-



ներից, որոնց դեկավարում էին տ. Արշեն վրդ. Արվազյանը և տ. Կարապետ քհն. Քրիշթյանը:

Հայրենիքում հունիսի 18-ից մինչև հունիսի 10-ը հյուրընկալման օրերին նրանք իջևանեցին քառազաքս Արագածի փեշին կառուցված «Հայկաշէն» հայրապետական ամառանոցում, որպես Մայր Աթոռի հյուրեր, ուր երիտասարդների համար կար ամեն հարմարություններ հանգստի և բարեկեցության համար:

Այդ օրերին ամերիկահայ երիտասարդները հետևեցին, վերը նշված, Սփյուռքահայության հետ մշակութային կապի կոմիտեի կազմակերպած հայոց լեզվի, երգերաժշտության, պարի դասընթացներին: Ունկնդրեցին դասախոսություններ հայկական կերպարվեստի, հայ ժողովրդի պատմության, հայկական ժողովրդական և դասական երաժշտության և հայ մշակույթի այլ նյութերի վերաբերյալ: Ինչպես օրինակ՝ «Հայ ժողովրդի կազմավորումը», «Հայ ժողովրդական մշակույթը 5-րդ դարում», «Հայկական երաժշտություն—միջնադարյան տաղեր», «Հայկական ժողովրդական և գոսանական երաժշտություն» և «Հայ ժողովրդի նպաստը աշխարհաքաղաքակրթության» թեմաներով:

Եկեղեցասեր երիտասարդները հայրենիքում ծանոթացան Հայկական լեռնաշխարհի պատմական հուշարձանների, վանքերի ու եկեղեցիների, ժամանակակից կառույցների, գիտական ու մշակութային առաջընթացի հետ: Միաժամանակ հմայվեցին հայրենի բնաշխարհի բնական ինքնատիպ գեղեցկություններով՝ վերձիգ և անմատչելի ժայռերով, անմաստակ ձորերով և կաթնափրփուր գետերով:

Այդ ընթացքում նրանք մոտիկից ճանաչեցին իրենց քարերի երկիր Հայաստանը, որտեղ իրենց պապերը տասնյակ դարերի ընթացքում կոխվ են մղել քարի դեմ, արյուն-քրտինք են թափել, քարից հաց են բամել և պահպանել իրենց ֆիզիկական գոյությունը:

Քարը հազարամյակների ընթացքում դարձել է հայ ժողովրդի ուղեկիցը, մտել նրա պատմության, ճարտարապետության, գրականության և մշակույթի տաճարը:

Քարը հայի ձեռքում հուշարձան է դարձել: Քարի առաջ ծուկը դրել և աղոթքի խոսքեր է մրմնջացել պանդուխտ որդուն սպասող մայրը: Քարը դարձել է նրա պաշտամունքի առարկան, քարին է նա հաղորդել իր թշվառ փնակը: Հազարամյակներ առաջ Արգիշտի Առաջինի հրամանով քարի վրա է արձանագրվել մեր հնա-

գույն քաղաքի՝ Էրեբունիի ծննդյան վկայականը:

Հայրենաբաղձ երիտասարդները հյուրընկալության օրերին եղան կապուտաշյա Սևանա լճում, Ծիծեռնակաքերդում, Մարդարասպատում, Էրեբունիում, Հայաստանի պետական ձեռագրաց Մատենադարանում, Բյուրականի աստղադիտարանում: Ուխտի գնացին ս. Գեղարդի (Այրիվանք), Խորվիրապի, Գոշավանքի նշանավոր վանքերը, այցելեցին ս. Հովհաննես, ս. Գալանե, ս. Ծողակաթ, Օշականի ս. Մեսրոպ Մաշտոց, Կարմրավոր, Մուղնու ս. Գևորգ, Աշտարակի ս. Մարիանե պատմական եկեղեցիներ:

Ամեն օր, ժամը 15-ին, երիտասարդ ուսուսվորների այս խումբը Մայր Աթոռի վանական սեղանատունն ուրախությամբ ճաշակում էր ս. Էջմիածնի աղն ու հացը:

Նրանք Միաժամաչ Մայր տաճարում ներկա եղան պատարագների և հաղորդությունն ստացան:

Մայր Աթոռ ս. Էջմիածնում երիտասարդներին երեք անգամ հարազատ հոր պես ընդունեց Ամենայն Հայոց Հայրապետ Վազգեն Ա կաթողիկոսը, որը քարեհանձեց գրուցել նրանց հետ, հետաքրքրվեց նրանց կյանքով և գործունեությամբ:

Ընդունելություններից մեկի ժամանակ ամերիկահայ եկեղեցասեր երիտասարդաց կազմակերպության անունից որդիական ջերմ շնորհակալական խոսք ասաց խմբի ղեկավար տ. Արշեն վրդ. Արվազյանը, իսկ երիտասարդների անունից հոգեբույս և սրտառու շնորհակալական ողերձով հանդես եկավ Պարույր Տեր-Մկրտչյանը:

Ահա թե ինչ ասաց նա.

«Վեհափառ Տեր,

Մեր խումբին կողմեն նախ կուզեմ շնորհակալություն հայտնել Ձեզի, Ձեր հայրական խնամքին և հոգածության համար:

Մեզի համար առանձնաշնորհ մըն է ըլլալ սուրբ Էջմիածնի հովանիին ներքև: Մեր բնակությունը «Հայկաշէն»-ի փառավոր հարմարությանց մեջ մեզի տվալ առիթը հանգստանալու ֆիզիկապես, որպեսզի կարելի ըլլա տեսնել մայր հայրենիքի տեսարժան վայրերը և մեր պապենական մշակութային ու հոգևոր ժառանգությունը:

Հագեպես զորացած ենք տեսնելով մեր հայրերու թողած անփոխարինելի հարստությունը:

Մեր ազգի հոգևոր կյանքի լույս տուր Էջմիածինը, մեր հույակերտ տաճարները, մեր պատմական վանքերը հարստացուցին մեզ հոգեպես: Նաև մեր այցելությունները Սևանա լիճ, Մարդարասպատ, Ծիծեռնակաքերդ, Մատենադարան, մեր թանգա-

րանները և այլ պատմական հուշարձաններ մեզի հաղորդ դարձուցին մեր անցյալին:

Վեհափառ Տեր,

Մեր մտքին մեջ անցնելի պիտի մնա երեք շաբաթներու ընթացքին մեր ստացած տպավորությունները: Բայց մանավանդ մեր ամենօրյա այցը սուրբ Էջմիածին, որ ավելի ևս գեղեցկացած է Ձեր ջանքերուն շնորհիվ:

Մեզի համար Դուք կամուրջն եք մեր անցյալին, ներկային և ապագային միջև: Ձեզի կմաղթենք առողջ և երկար տարիներ»:

Վերջում խմբի անունից, առաջինը լինելով, խումբը շնորհավորեց Վեհափառ Հայրապետին՝ 70-ամյակի սեմին, և ի հարգանս որդիական ջերմ սիրտ աջահամբույրով հանձնեցին գեղեցիկ հուշանվեր:

Երեկույթի ավարտին Վեհափառ Հայրապետը բաշխեց իր հայրական օրհնությունները, թելադրեց՝ ուր էլ որ լինեն, իրենց սրտերում միշտ վառ պահեն Մայր Աթոռից և հայրենիքից ստացած տպավորությունները:

Այնուհետև երիտասարդները Վեհափառից աջահամբույրներով ստացան փոքրիկ հուշանվերներ:

Երիտասարդները հյուրընկալության օրերին դիտեցին նաև մի շարք պատմական և տուն-թանգարաններ, ֆիլմեր, ներկայացումներ, որոնցից հարուստ հունձ հավաքեցին:

Վերջապես մոտեցավ բոլորի համար անցանկալին:

Մեկնումի պահն է... Բոլորի համար ցավ է բաժանվել մայր հայրենիքից:

Նրանք մեկնում են՝ իրենց սրտերում տանելով մայր հայրենիքի մի մասը և ձեռքերում Արարատից ձյուն և Արաքսից՝ ջուր՝ ամոքելու համար իրենց հարազատներին:

Նրանցից յուրաքանչյուրի ցանկությունն էր՝ փորձել գուրգուրել այն ամեն մի բան, որ անցկացրեցին մայր հայրենիքում՝ պահպանելով այն իրենց հոգու խորքերում, որպեսզի այդ գեղեցիկ ապրումները, որ իրենք ունեցան Մայր Աթոռում և մայր հայրենիքում, մնան իրենց ամենաարտամոտ հիշատակները հավիտյան:

Վ. Ս. Ա.

